

全
唐
詩



全唐詩目 第二冊

第九冊

王縉

裴迪

崔興宗

苑咸

丘爲

趙驛

共一卷

崔顥

一卷

祖詠

一卷

李頎

三卷

綦母潛

一卷

全唐詩

王縉

王縉字夏卿與兄維早以文翰著稱連應草澤及文辭
清麗科累授侍御史武部員外祿山亂選爲太原少尹
與李光弼同守太原有謀略加憲部侍郎廣德二年拜
黃門侍郎同平章事尋持節行營歷諸鎮大曆中召還
拜門下侍郎復知政事以附元載連貶刺史後除太子
賓客留司東都詩八首

古離別

下階欲離別相對映蘭叢含辭未及吐淚落蘭叢中高
堂靜秋日羅衣飄暮風誰能待明月迴首見牀空

青雀歌

林間青雀兒來往翩翩繞一枝莫言不解銜環報但問君恩今若爲

同王昌齡裴廸游青龍寺曇壁上人兄院集和

兄維

林中空寂舍階下終南山高臥一牀上一作地迴看六合間

浮雲幾處滅飛鳥何時還問義天人接無心世界閑誰

知大隱者一作客兄弟自追攀

別輞川別業

山月曉仍在林風涼不絕殷勤如有情惆悵令人別

與盧員外象過崔處士興宗林亭

身名不問十年餘，老大誰能更讀書。
林中獨酌鄰家酒，門外時聞長者車。

九日作

莫將邊地比京都，八月嚴霜草已枯。
今日登高樽酒裏，不知能有菊花無。

送孫秀才

以下一首一作王維詩

帝城風日好，況復建平家。
玉枕雙紋簟，金盤五色瓜。
山中無魯酒，松下飯胡麻。
莫厭田家苦，歸期遠復賒。

游悟真寺

聞道黃金地，仍開白玉田。
擲山移巨石，呪嶺出飛泉。
猛虎同三徑，愁猿學四禪。
買香然綠桂，乞火蹈紅蓮。
一作青蓮草

色搖霞上松聲泛月邊山河窮百二世界接一作滿三千梵

宇聊憑視

一作覽

王城遂渺然灞陵纔出樹渭水欲連天遠

縣分朱郭孤村起白煙望雲思聖主披霧憶羣賢薄宦

慚尸素

一作祿

終身擬尚玄誰知草菴客曾和柏梁篇

裴迪

裴迪關中人初與王維崔興宗居終南同倡和天寶後
爲蜀州刺史與杜甫李頎友善嘗爲尚書省郎詩二十

九首

清龍寺曇壁上人院集

靈境信爲絕法堂出塵氛自然成高致向下看浮雲迤
邐峯岫列參差閣井分林端遠堞見風末疎鐘聞吾師

久禪寂在世超人羣

青雀歌

動息自適性不曾妄與燕雀羣
幸忝鷓鴣早相識何時
提携致青雲

游感化寺曇興上人山院

不遠灞陵邊安居向十年
入門穿竹徑留客聽山泉
鳥轉深林裏心閑落照前
浮名竟何益從此願棲禪

夏日過青龍寺謁操禪師

安禪一室內左右竹亭幽
有法知不染無言誰敢酬
鳥飛爭向夕蟬噪已先秋
煩暑自茲適一作清涼何所求

春日與王右丞過新昌里訪呂逸人不遇

恨不逢君出荷簑青松白屋更無他陶令五男曾不有
蔣生三徑枉一作任相過芙蓉曲沼春流滿薜荔成帷晚
多聞說桃源好迷客不如高臥眎庭柯

輞川集二十首

孟城坳

結廬古城下時登古城上古城非疇昔今人自來往

華子岡

落日松風起還家草露晞雲光侵履跡山翠拂人衣

文杏館

迢迢文杏館躋攀日已屢南嶺與北湖前看復迴顧

斤竹嶺

明流紆且直綠篠密復深一徑通山路行歌望舊岑

鹿柴

日夕見寒山便爲獨往客不知深林事但有麝麝跡

木蘭柴

蒼蒼落日時鳥聲亂谿水綠谿路轉深幽興何時已

茱萸泚

飄香亂椒桂布葉間檀欒雲日雖迴照森沈猶自寒

宮槐陌

門前宮槐陌是向欽湖道秋來山雨多落葉無人掃

臨湖亭

當軒彌滉漾孤月正裴回谷口猿聲發風傳入戶來

南垞

孤舟信一泊南垞湖水岼落日下崦嵫清波殊淼漫

欽湖

空闊湖水廣青熒天色同艤舟一長嘯四面來清風

柳浪

映池同一色逐吹散如絲結陰旣得地何謝陶家時

樂家瀨

瀨聲喧極浦沿涉向南津汎汎鷗鳬渡時時欲近人

金屑泉

紫渟澹不流金碧如可拾迎晨含素華獨往事朝汲

白石灘

跂石復臨水弄波情未極日下川上寒浮雲澹無色

一作疑碧

北垞

南山北垞下結宇臨歆湖每欲采樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫況有辛夷花色與芙蓉亂

漆園

好閑早成性果此諧宿諾今日漆園游還同莊叟樂

椒園

丹刺罨人衣芳香留過客幸堪調鼎用願君垂采摘

輞口遇雨憶終南山因獻王維

積雨晦空曲平沙滅浮彩輞水去悠悠南山復何在

崔九欲往南山馬上口號輞別

一作第別王維

歸山深淺去須盡丘壑美莫學武陵人暫游桃源裏

與盧員外象過崔處士興宗林亭

一本無與盧員外象六字

喬柯門裏自成陰散髮牕中曾不簪
逍遙且喜從吾事榮寵從來非我心

西塔寺陸羽茶泉

統籤云此詩楊慎以為見之石刻然羽自在大曆後則非強詩矣

竟陵西塔寺蹤跡尚空虛不獨支公住曾經陸羽居
草堂荒產蛤茶井冷生魚一汲清泠水

一作飲

高風味有餘

崔興宗

崔興宗與王維裴迪俱居終南後宮右補闕詩五首

同王右丞送瑗公南歸

行苦神亦秀，冷然豁上松。
銅瓶與竹杖，來自祝融峯。
常願入靈嶽，藏經訪遺蹤。
南歸見長老，且爲說心胸。

青雀歌

青鳬繞青林，翻翻陋體一。
微禽不應常在藩籬下，他日
凌雲誰見心。

和王維敕賜百官櫻桃

未央朝謁正逶迤，天上櫻桃錫此時。
朱實初傳九華殿，
繇花舊雜萬年枝。
一作金勝晏子江南橘，莫比潘家大谷梨。
聞道令人好顏色，神農本草自應知。

留別王維

駐馬欲分襟清寒御溝上前山景氣佳獨往還惆悵

酬王維盧象見過林亭

窮巷空

一作深

林常閉關悠然

一作悠

獨臥對前山今朝忽枉嵇

生駕倒屣開門遙解顏

苑咸

苑咸成都人舉進士登第爲李林甫書記開元末上書拜司經校書中書舍人嘗爲孫逖草除庶子詔議者以爲知言王維嘗謂舍人能書梵字兼達梵音曲盡其妙

詩二首

送大理正攝御史判涼州別駕

天子念西

一作邊

疆咨君去不遑垂銀棘庭印持斧柏臺綱

雪下天山白泉枯塞草黃佇聞河隴外還繼海沂康

酬王維

弟序

王員外兄以予嘗學天竺書有戲題見贈然王兄
當代詩匠又精禪理枉采知音形於雅作輒走筆
以酬焉且久未遷因而嘲及

蓮花梵字本從天華省仙郎早悟禪三點成伊猶有想
一觀如幻自忘筌爲文已變當時體入用還推間氣賢

應同

一作知

羅漢無名欲故作馮唐老歲年

佛書伊字如草書下字聖樂經何等名爲祕密

藏如二字三點別則不成

丘爲

丘爲蘇州嘉興人事繼母孝常有靈芝生堂下累官太子右庶子致仕給俸祿之半以終身年八十餘母尚無恙及居憂觀察使韓滉以致仕官給祿所以惠養老臣不可在喪而異惟罷春秋羊酒卒年九十六與劉長卿善其赴上都也長卿有詩送之亦與王維爲友詩十三首

尋西山隱者不遇

一作山行尋隱者不遇

絕頂一茅茨直下三十里扣關無僮僕窺室唯案几若非巾柴車應是釣秋水差池不相見詎勉空仰止草色新雨中松聲晚牕裏及茲契幽絕自足蕩心耳

一本無此二句雖

無賓主意頗得清淨理興盡方下山何必待之

一作子